


Ny Baiboly ho an'ny ankizy
dia manolotra

Jesoa Ilay Mpampianatra Lehibe




Nosoratan'i: Edward Hughes
Sarin'i: Byron Unger; Lazarus
Nampifanarahin'i: E. Frischbutter; Sarah S.
Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Ambovo
Mahajanga Madagascar
Alastair Paterson
Novokarin'i: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.
Azo atao ny fandikana na fakana ity tantara ity
nefa tsy ho amin'ny fitadiavam-bola.




Mpampianatra
Lehibe tokoa i Jesoa.
Ilay Kalaza indrindra. Nihaino
Azy ny vahoaka. Nampianarin'i Jesoa izy ireo mba
ho mpamindra fo, ho tsara sy halemy fanahy. Mety
hisy hankahala izy ireo na hanisy ratsy mihitsy
aza, fa ANDRIAMANITRA no miahny azy.



Nampianatra zavatra maro i Jesoa. Nilaza Izy fa ireo mpianany no fahazavan'izao tontolo izao tahaka ny jiro manazava ny ao an-trano. Inona no fiovana entin'ny jiro ao amin'ny efitra maizina?

3

Niresaka tamin'ireo mpankasitraka ny valifaty koa i Jesoa: "Maso solon'ny maso, nify solon'ny nify." Nampianarin'i Jesoa azy ireo ny fahalemem-panahy, ny famelan-keloka ary ny Fitiavana, eny fa na dia manoloana ny fahavalo aza.



4

Tamin'ny andron'i Jesoa dia nisy ireo izay nihevitra ny tenany ho tena masina. Misy olona asainy mitsoka trompetra, rehefa hanome vola ny mahantra izy, mba ho hitan'ny olona izay ataony.



5

Nefa hoy i Jesoa: "Manomeza ao amin'ny miafina fa ANDRIAMANITRA no hamaly soa anao."



6

Toy izany koa no nampianarin'i Jesoa ny amin'ny vavaka. Misy olona mivavaka eny amin'ny kihondàlana be mpandalo, mba ho hita sy ho ren'ny olona. Nolazain'i Jesoa fa mpihatsaravelatsihy sy mpamitaka izy ireo.



7

Matetika i Jesoa no mampiasa ny zavaboahary rehefa nampianatra. Notondroiny, ohatra, ny vorona no sady nilaza izy hoe: "ny Rainareo Izay any an-danitra no mamelona azy ireny. Aza manahy ianareo fa ANDRIAMANITRA no mikarakara anareo."



8

"Na ny mpanjaka Solomona aza tsy nitafy tahaka ny voninkazo eny antsaha." Dia hoy ihany i Jesoa nanohy ny teniny: "Raha ny ahitra eny an-tsaha aza tafin' ANDRIAMANITRA toy izany, tsy hisahirana hanafy anareo koa va IZY?"



9

Nampianatra ny olona i Jesoa mba hatoky an' ANDRIAMANITRA izay manome antsika izay ilaintsika rehetra.



10

Hoy Jesoa: "Raha mitsara ny rahalahinao ianao, dia sahala amin' ny manala sombi-kazo eo amin' ny masony kanefa ny anao misy vata-kazo lehibe ao anatin'ny." Angamba mety ho nihomehy ny olona. Nefa mampieritreritra izany tenin' i Jesoa izany.




11

Nilaza i Jesoa fa tokony hazoto hangataka amin' ANDRIAMANITRA ny olona. Raha mangataka mofa amin' ny rainy ve ny zanaka dia homeny vato? Tsia, mazava ho azy! Zava-tsoa no homeny azy. Dia toy izany koa ANDRIAMANITRA, zava-tsoa no homeny izay mangataka aminy.



12

Jesoa, ilay Mpampianatra Lehibe, dia nampitandrina ny amin' ireo mpampianatra sandoka. "Mitafy hodi-janak'ondry izy ireny," hoy i Jesoa. "Nefa ny ao anatin'ny dia amboa dia!" Nambaran' i Jesoa fa ny fiainany no hamantarana ny mpianatra sandoka.




13

Tao amin' ny tantara iray hafa koa no nanazavan' i Jesoa fa ny olona mankato ny Tenin' ANDRIAMANITRA dia tahaka ny lehilahy iray nanorina trano teo ambony vatolampy.



14

Namely azy ny tafio-drivotra mahery. Fa rehefa nitsahatra izany dia mbola nijoro tsy nihetsika ilay trano. Nisy adala anankiray nanorina trano teo ambonin'ny fasika. Nitsoka mafy ny rivotra ka nirodana ilay trano satria narivo fototra loatra. Dia nambaran'i Jesoa fa izay olona tsy mankato ny Tenin'ANDRIAMANITRA no tahaka izany olona izany.



15

Variana ny vahoaka tamin'ireo Tenin'i Jesoa. Tsy mbola nandre fampianarana toy izany izy ireo. Ankehitriny dia fantany fa tsy ampy ny mandre fotsiny ny Tenin'ANDRIAMANITRA. Tsy maintsy ankatoavina koa izany isan'andro.



16

Jesoa Ilay Mpampianatra Lehibe


Tantaran'ny Tenin'Andriamanitra, ny Baiboly,

Tao amin'ny bokin'ny

Matio 5 - 7, Lioka 6

"Ny fanambaràn'ny teninao dia manazava."
Salamo 119:130

17



42

60

18

Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao, dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

19